

五下背誦孝經第一一章至第八章

開宗明義一章第一

仲尼居，曾子侍。子曰：「先王有至德要道，以一訓天下，民用和睦，上下無怨，汝知之乎？」曾子避席曰：「參不敏，何足以知之？」子曰：「夫孝，德之本也，教之所由生也。復坐，吾語汝。」

「身體髮膚，受之父母，不敢毀傷，孝之始也。立身行道，揚名於後世，以顯父母，孝之終也。」

「夫孝，始於事親，中於事君，終於立身。」
大雅云：『無念爾祖，聿修厥德。』」

天子章第二

子曰：「愛親者，不敢惡於人；敬親者，不敢慢於人。愛敬盡於事親，而德教加於百姓，刑於四海，蓋天子之孝也。」
甫刑云：『一人有慶，兆民賴之。』」

諸侯章第三

「在上不驕，高而不危；制節謹度，滿而不溢。高而不危，所以長守貴也；滿而不溢，所以長守富也。富貴不離其身，然後能保其社稷，而和其民。」

蓋諸侯之孝也。詩云：『戰戰兢兢，如臨深淵，如履薄冰。』」

卿大夫章第四

「非先王之法服，不敢服。非先王之法言，不敢道。非先王之德行，不敢行。是故，非法不言，非道不行，口無擇言，身無擇行。言滿天下無過，行滿天下無怨惡。三者備矣，然後能守其宗廟，蓋卿大夫之孝也。詩云：『夙夜匪懈，以事一人。』」

士章第五

「資於事父以事母，而愛同；資於事父以事君，而敬同。故母取其愛，而君取其敬，兼之者父也。故以孝事君，則忠；以敬事長，則順。忠順不失，以事其上，然後能保其祿位，而守其祭祀，蓋士之孝也。詩云：『夙興夜寐，無忝爾所生。』」

庶人章第六

「用天之道，分地之利，謹身節用，以養父母，此庶人之孝也。故自天子至於庶人，孝無終始，而患不及者，未之有也。」

三才章第七

曾子曰：「甚哉！孝之大也。」子曰：「夫孝，天之經也，地之義也，民之行也。天地之經，而民是則之，則天之明，因地之利，以順天時。是以其教不肅而成，其政不嚴而治。先王見教之可以化民也，是故先之以博愛，而民莫遺其親；陳之於德義，而民興行；先之以敬讓，而民不爭。導之以禮樂，而民和睦。示之以好惡，而民知禁。詩云：『赫赫師尹，民具瞻。』」

孝治章第八

子曰：「昔者明王之以孝治天下也，不敢遺一小國之臣，而況於公、侯、伯、子、男乎？故得萬國之權心，以事其先王。」

「治國者不敢侮於鰥寡，而況於士民乎？故得百姓之權心，以事其先君。治家者不敢失於臣妾，而況於妻孥乎？故得人之權心，以事其親。」

「夫_レ然_ル，故_シ生_ル則_チ親_ク安_ラ之_ニ，祭_ヒ則_チ鬼_ク享_テ之_ニ。是_レ以_テ天_ノ下_ヲ和_ス平_ス，災_ヲ害_ヲ不_レ生_ス，禍_ヲ亂_ヲ不_レ作_ス。故_シ明_ク王_ス之_ニ以_テ孝_ヲ治_リ天_ノ下_ヲ也_ニ。如此_ク。詩_云：『有_レ覺_キ德_ヲ行_フ，四_ノ國_ヲ順_フ之_ニ。』」